



ლაგოდეხის მუნიციპალიტეტის გამგებელი

ბრძანება

№2/1129

2014 წლის 29 სექტემბერი

ქ.ლაგოდეხი

ლაგოდეხის მუნიციპალიტეტის მიერ დაფუძვნებული არასამეწარმეო (არაკომერციული) იურიდიული პირების წესდებების დამტკიცების შესახებ

„ადგილობრივი თვითმმართველობის კოდექსის“ საქართველოს ორგანული კანონის 54-ე მუხლის პირველი ნაწილის „დ“ პუნქტის „დ.ბ“ ქვეპუნქტის და ლაგოდეხის მუნიციპალიტეტის საკრებულოს 2014 წლის 17 სექტემბრის N86 განკარგულების პირველი მუხლის საფუძველზე

ვ ბ რ ძ ა ნ ე ბ:

მუხლი 1. დამტკიცდეს ლაგოდეხის მუნიციპალიტეტის მიერ დაფუძვნებული არასამეწარმეო (არაკომერციული) იურიდიული პირების წესდებები, კერძოდ:

- ა) „სკოლამდელი აღზრდის დაწესებულებათა გაერთიანების“ წესდება დანართი 1-ის შესაბამისად;
- ბ) „საზოგადოებრივი ჯანდაცვის სამსახურის“ წესდება დანართი 2-ის შესაბამისად;
- გ) „სახელოვნებო სკოლების გაერთიანების“ წესდება დანართი 3-ის შესაბამისად;
- დ) „მოსწავლე ახალგაზრდობის სახლის“ წესდება დანართი 4-ის შესაბამისად;
- ე) „კულტურის ცენტრის“ წესდება დანართი 5-ის შესაბამისად;
- ვ) „საბიბლიოთეკო გაერთიანების“ წესდება დანართი 6-ის შესაბამისად;
- ზ) „ტურიზმის განვითარების ხელშეწყობის ცენტრის“ წესდება დანართი 7-ის შესაბამისად

მუხლი 2. კონტროლი აღნიშნული ბრძანების შესრულებაზე დაევალოს „ლაგოდეხის მუნიციპალიტეტის განათლების, კულტურის, ძეგლა დაცვის, სპორტისა და ახალგაზრდულ საქმეთა სამსახურის“ უფროსს თამაზი ღონღაძეს.

მუხლი 3. ბრძანება ძალაშია გამოქვეყნებისთანავე.

მუხლი 4. ბრძანების გასაჩივრება შესაძლებელია გაცნობიდან ერთი თვის განმავლობაში გურჯაანის რაიონულ სასამართლოში შემდეგ მისამართზე: ქ. გურჯაანი, სანაპიროს ქ. №22.

გამგებელი:



დამტკიცებულია
ლაგოდეხის მუნიციპალიტეტის გამგებლის
2014 წლის 29 სექტემბრის 2/1129 ბრძანებით

განხორციელებულია ცვლილება
ლაგოდეხის მუნიციპალიტეტის გამგებლის
2015 წლის 20 იანვრის N 2/80 ბრძანებით

არასამეწარმეო (არაკომერციული) იურიდიული პირის ლაგოდეხის მუნიციპალიტეტის
„საზოგადოებრივი ჯანდაცვის სამსახურის“

წესდება

მუხლი 1

ზოგადი დებულებები

1.1. არასამეწარმეო (არაკომერციული) იურიდიული პირი ლაგოდეხის მუნიციპალიტეტის „საზოგადოებრივი ჯანდაცვის სამსახური“ (შემდგომში - „სამსახური“) არის კერძო სამართლის არასამეწარმეო (არაკომერციული) იურიდიული პირი, რომელიც შექმნილია საქართველოს ორგანული კანონის „ადგილობრივი თვითმმართველობის კოდექსი“ საფუძველზე და საქართველოს კანონმდებლობის მოთხოვნათა შესაბამისად მიზნად ისახავს მოსახლეობის ეპიდკეთილსაიმედო მდგომარეობის უზრუნველყოფას, მუნიციპალიტეტის მოსახლეობის ჯანმრთელობის ხელშეწყობასა, დაავადებების აღმოცენების მიზეზთა და რისკ-ფაქტორთა დადგენასა და აღმოფხვრას.

1.2. არასამეწარმეო (არაკომერციული) იურიდიული პირი უფლებამოსილია ეწეოდეს დამხმარე ხასიათის სამეწარმეო საქმიანობას, რომლიდან მიღებული მოგებაც უნდა მოხმარდეს არასამეწარმეო (არაკომერციული) იურიდიული პირის მიზნების რეალიზებას. ასეთი საქმიანობის შედეგად მიღებული მოგების განაწილება არასამეწარმეო (არაკომერციული იურიდიული პირის დამფუძნებლებს, წევრებს, შემომწირველებს აგრეთვე ხელმძღვანელობისა და წარმომადგენლობითი უფლებამოსილების მქონე პირებს შორის დაუშვებელია.

1.3. სამსახურის დამფუძნებელია ლაგოდეხის მუნიციპალიტეტი.

1.4. სამსახური შექმნილია განუსაზღვრელი ვადით.

მუხლი 2

სახელწოდება, იურიდიული მისამართი და სტატუსი

2.1 სამსახური ხელმძღვანელობს საქართველოს ორგანული კანონით „ადგილობრივი თვითმმართველობის კოდექსი“, საქართველოს სამოქალაქო კოდექსით“, ამ წესდებით და მოქმედი კანონმდებლობის შესაბამისად.

2.2 სამსახურის სრული სახელწოდებაა - არასამეწარმეო (არაკომერციული) იურიდიული პირი ლაგოდების მუნიციპალიტეტის „საზოგადოებრივი ჯანდაცვის სამსახური“

2.3 სამსახურის იურიდიული მისამართი: საქართველო, ქ. ლაგოდეხი ჯანელიძის ქუჩა N1

2.4 სამსახურს გააჩნია იურიდიული პირის ყველა ატრიბუტი, ბეჭედი, დამოუკიდებელი ბალანსი, საბანკო ანგარიშები და სხვა.

2.5. „საზოგადოებრივი ჯანდაცვის სამსახური“ მესამე პირებთან ურთიერთობებში გამოდის საკუთარი სახელით, უფლება აქვს დადოს ხელშეკრულებები, გარიგებები და კონტრაქტები.

2.6. სამსახურის ელექტრონული მისამართია: ელ.ფოსტა nunu.nozadze@mail.ru ტელეფონი: 0 354 22 26 73

მუხლი 3

სამსახურის საქმიანობის მიზნები

სამსახურის მიზანია:

ა) ეპიდზედამხედველობის განხორციელება შესაბამის ადმინისტრაციულ -ტერიტორიულ ერთეულში.

ბ)მუნიციპალიტეტის მოსახლეობის ჯანმრთელობის ხელშეწყობა, ავადობის აქტიური გამოვლინება და დაავადებების აღმოცენების მიზეზთა და რისკ-ფაქტორთა დადგენა.

გ)სამოქმედო ტერიტორიაზე მოსახლეობის ჯანმრთელობის მდგომარეობის მაჩვენებლების ანალიზი, ავადობის გრძელი და მოკლევადიანი პროგნოზირება.

დ)მოსახლეობის ეპიდკეთილსაიმედო მდგომარეობის უზრუნველყოფა.

ე)გარემოს პროფილურ ფაქტორთა მონიტორინგი.

ვ)გადამდები და არაგადამდები დაავადებების ეპიდემიოლოგიის შესწავლა.

ზ)ავადობის შესახებ სტატისტიკური ინფორმაციის შეგროვება-მიწოდება, ანალიზი და სამედიცინო სტატისტიკური ინფორმაციის მიწოდება დადგენილი წესით.

თ)გადამდები /განსაკუთრებით საკარანტინო/ დაავადებების ეპიდკონტროლის განხორციელება, მათი აღმოცენების, გავრცელების შეზღუდვა, სათანადო ეპიდსაწინააღმდეგო ღონისძიებების ორგანიზება.

ი)შესწავლა და მათზე ეპიდზედამხედველობის სათანადო სამსახურების საქმიანობის ხელშეწყობა და კომპეტენციის ფარგლებში მონაწილეობა.

კ)სამედიცინო დაწესებულებებში ეპიდრეჟიმის კონტროლი,მონიტორირება,საავადმყოფოს შიდა ინფექციების პროფილაქტიკის ხელშეწყობა.

ლ)პროფილაქტიკური აცრების დაგეგმვა, შესრულების ორგანიზაცია და მონიტორინგი.

მ)ცხოვრების ჯანსაღი წესის, მავნე ჩვევათა და საერთოდ ქცევათა დამოკიდებულებების კორექცია, ჯანსაღ უნარ-ჩვევათა განვითარების ფორმირების და დამკვიდრების მიზნით, ადგილობრივი მასობრივი საინფორმაციო საშუალებებით და სხვა სპეციფიკური ღონისძიებებით ფართო სააგიტაციო-პროპაგანდისტული მუშაობის ორგანიზაცია წარმართვა.

ნ)ადმინისტრაციულ ტერიტორიული ერთეულის მოსახლეობისათვის დაავადებათა პროფილაქტიკის პრიორიტეტული მიმართულებების განსაზღვრა,შესაბამისად პროფილაქტიკური პროგრამების პროექტირება,ორგანიზება, განხორციელების ხელშეწყობა.

ო)ჯანდაცვითი სახელმწიფო ცენტრალური და მუნიციპალური პროგრამების პროექტების შედგენასა და დამტკიცებაში მონაწილეობა.

პ)წყალმომარაგების სისტემის ინფრასტრუქტურის განვითარებისა და უსაფრთხო ექსპლუატაციის ღონისძიებათა შემუშავების უზრუნველყოფა.

ჟ)დასახლებული პუნქტების ტერიტორიის დასუფთავების, აგრეთვე რეკრეაციული ზონების სათანადო სანიტარული მდგომარეობის უზრუნველყოფის ხელშეწყობა.

რ)კულტურის, სპორტის, საყოფაცხოვრებო მომსახურების, სამრეწველო საწარმოებისა და დაწესებულებებში სანიტარულ-ჰიგიენურ ნორმების დაცვაზე ზედამხედველობა-მონიტორინგი, მონაცემების მიწოდება თვითმმართველობაზე.

ს)ბავშვთა სკოლამდელი დაწესებულებების სანიტარულ-ეპიდემიოლოგიური რეჟიმის ორგანიზაციის ხელშეწყობა-მონიტორინგი.

ტ)და სხვა საქმიანობა,რომელიც კანონით არ არის აკრძალული.

მუხლი 4 სამსახურის მართვა

4.1 სამსახურს ხელმძღვანელობს დირექტორი, რომელსაც თანამდებობაზე ნიშნავს და ათავისუფლებს ლაგოდეხის მუნიციპალიტეტის გამგებელი.

4.2 სამსახურის დირექტორის მიერ უფლებამოსილების შეწყვეტის ან შეჩერების შემთხვევაში მისი მოვალეობის შემსრულებელს ნიშნავს მუნიციპალიტეტის გამგებელი.

4.3 სამსახურის დირექტორი:

ა) ლაგოდეხის მუნიციპალიტეტის გამგებელთან შეთანხმებით ამტკიცებს სამსახურის საშტატო განრიგს და სტრუქტურას.

ბ) თანამდებობაზე ნიშნავს და ანთავისუფლებს სამსახურის თანამშრომლებს;

გ) მუნიციპალიტეტის გამგებლის თანხმობით უფლებამოსილია შეიძინოს და გაასხვისოს სამსახურის ფუნქციონირებისათვის აუცილებელი ძირითადი ქონება;

დ) დებს ხელშეკრულებებს ფიზიკურ და იურიდიულ პირებთან;

ე) მუნიციპალიტეტის გამგებელს წარუდგენს ყოველწლიურ ანგარიშს, /აგრეთვე მოთხოვნის შესაბამისად/ გაწეული სამუშაოს შესახებ.

ვ) პასუხისმგებელია ორგანიზაციისათვის გამოყოფილი საბიუჯეტო სახსრების მიზნობრივ ხარჯვაზე; ხარჯების მიზნობრიობის შეცვლის შემთხვევაში ვალდებულია წინასწარ შეუთანხმოს გამგებელს და მიიღოს მისგან წერილობითი თანხმობა.

ზ) პასუხისმგებელია სარგებლობაში არსებული ქონების დაცვასა და მიზნობრივ გამოყენებაზე;

თ) ამტკიცებს სამსახურის შინაგანაწესს.

ი) განსაზღვრავს დაწესებულების საქმიანობის მიმართულებებს, შეიმუშავებს წლიურ ბიუჯეტს და მუნიციპალიტეტს წარუდგენს დასამტკიცებლად.

კ)თავისი კომპეტენციის ფარგლებში გამოსცემს ინდივიდუალურ ადმინისტრაციულ-სამართლებრივ აქტებს.

ლ)კანონით დადგენილი წესით ახორციელებს სამსახურებრივ ზედამხედველობას თანამშრომელთა საქმიანობაზე.

მ)ახორციელებს კანონმდებლობით გათვალისწინებულ სხვა უფლებამოსილებებს.

4.4 სამსახურის კონტროლს ახორციელებს ლაგოდების მუნიციპალიტეტის გამგებელი, აუდიტორის მეშვეობით.

მუხლი 5

ლიკვიდაცია/რეორგანიზაცია

5.1. არასამეწარმეო (არაკომერციული) იურიდიული პირის რეორგანიზაცია/ლიკვიდაცია ხორციელდება საქართველოს კანონმდებლობით დადგენილი წესით, ლაგოდების მუნიციპალიტეტის გამგებლის გადაწყვეტილებით მუნიციპალიტეტის საკრებულოს თანხმობით.

5.2. დამფუძნებლის გადაწყვეტილება საზოგადოების ლიკვიდაციის პროცესის დაწყების შესახებ უნდა დარეგისტრირდეს მეწარმეთა და არასამეწარმეო (არაკომერციული) იურიდიული პირების რეესტრში. ლიკვიდაციის პროცესი დაწყებულად ითვლება მისი რეგისტრაციის მომენტიდან.

5.3. ლიკვიდაციის პროცესს ახორციელებს ხელმძღვანელობის უფლებამოსილების მქონე პირი (პირები) ან კანონით დადგენილი წესით დანიშნული ლიკვიდატორი. ლიკვიდატორი პასუხს აგებს, როგორც ხელმძღვანელობისა და წარმომადგენლობითი უფლებამოსილების მქონე პირი.

მუხლი 6

სამსახურის სამეურნეო საქმიანობა, საკუთრება და შემოსავლები

6.1. სამსახური ვალდებულია დადგენილი წესით აწარმოოს საფინანსო და სამეურნეო საქმიანობა, საფინანსო აღრიცხვა-ანგარიშგება. სამსახურის სამეურნეო საქმიანობის შედეგები აისახება წლიურ ანგარიშში.

6.2. სამსახურს უფლება აქვს მიიღოს ფულადი სახსრები და გრანტები წესდებით განსაზღვრული მიზნებისა და ამოცანების განსახორციელებლად.

6.3. სამსახურის დაფინანსების წყაროა ადგილობრივი ბიუჯეტი. საქართველოს კანონმდებლობით დადგენილი წესით სამსახური ანგარიშვალდებულია გამოყოფილი სახსრების მიზნობრივად გამოყენებაზე მუნიციპალიტეტის წინაშე.

6.4. სამსახურს ქონება გადაეცემა საქართველოს კანონმდებლობით დადგენილი წესით.

6.5. სამსახური უფლებამოსილია ეწეოდეს დამხმარე ხასიათის სამეწარმეო საქმიანობას, რომლიდან მიღებული მოგებაც უნდა მოხმარდეს მისი მიზნების რეალიზებას.

6.6. სამსახურის ბალანსიდან უიმედო დავალიანებების, სასაქონლო-მატერიალურ ფასეულობათა დანაკლისისა და დანაკარგების, მოძველებული, გაცვეთილი და კაპიტალური

სამუშაოების ხარჯების ჩამოწერა და დავალიანების ამოღება ხდება მოქმედი კანონმდებლობის შესაბამისად.

მუხლი 7

დასკვნითი დებულებები

7.1. წინამდებარე წესდება ძალაში შედის ლაგოდეხის მუნიციპალიტეტის გამგებლის მიერ წესდების დამტკიცების შესახებ ბრძანების და საკრებულოს თანხმობის შესაბამისი განკარგულების ამოქმედებიდან.

7.2. თუ ამ წესდების რომელიმე დებულება ბათილად იქნა ცნობილი, ეს გავლენას არ მოახდენს წესდების სხვა დებულებების ნამდვილობაზე.

7.3. წესდებაში ცვლილების და დამატების შეტანა ხდება საქართველოს კანონმდებლობით დადგენილი წესით, რომელიც წარმოადგენს წესდების განუყოფელ ნაწილს.

7.4. ამ წესდებასა და საქართველოს მოქმედ კანონმდებლობას შორის არსებული შეუსაბამობის შემთხვევაში მოქმედებს კანონი.